



□ 11
2971
34



2971
34



附錄
甘泉黃奭學
逸書考

河圖聖洽符

甘泉黃奭學

日蝕軫國有喪以赦除其咎

開元占經十

歲星守婁天下赦

占經二十六

歲星守畢口將相憂大人當之期不出百八

十日

同上

歲星犯參天子更布政宰相不安期六月

同上

歲星犯招搖邊兵大起強鄰為寇若守之鄰

國敗其主死期不出三年

占經二十八

河圖聖洽符

昭和十八年
七月十日
拜末

歲星犯立武邊兵起胡人為寇若守之邊人
敗其國主死期在二年 同上

歲星犯匏瓜天下有憂若有遊兵各果物貴
一曰魚鹽貴在年中 同上

歲星犯天船兵大起舟楫用有亡國 同上

歲星犯北斗天下大亂改政易王國有大喪
期三年 同上

熒惑乘婁左右欲進不進欲退不退徘徊往
來其下國多疾疫民多死者歲歉收 占經三十四

熒惑犯婁貴人有係獄者一曰金銀貴 同上

熒惑入畢二十日以上陰國有兵起大將戮
死 同上

熒惑犯觜觿臣背其主下凌其上天下兵亂
西方尤甚王者自將兵西征一曰王者急修
秋政可以除殃 同上

熒惑守軫兵大起民有以水為亂者官吏有
憂 占經三十五

熒惑守軫夷兵向內津關嚴禁舟楫七十日

不通海物大貴一曰魚鹽價倍

同上

熒惑犯南河成海水入江河國多水土之功

人民乏食一曰舟楫用

占經三十六

少微色明潤熒惑入之光彩倍增朝多賢良

之相列大夫皆忠直人主耳目聰明政令得

宜人心悅服天下和平

同上

填星行不及度其國有陰行奸人爲亂天下

有水名曰土回年時不吉填星行常出度其

國有急令強敵壓境將軍出征若火災名曰

土昧歲亦凶

占經二十八

填星逆行乘犯東壁執法之吏有舞文售如

者獄訟不公禍災將至期不出三年

占經四十一

填星入昴邊人爲亂若敵君死將軍兵出當

有流血兵起東北不出其年

占經四十一

填星入輿鬼大人當其災

占經四十二

填星入若守輿鬼爲主憂財寶出亂臣在內

若大臣誅有干鉞乘鑽者君貴人憂金玉用

民多疾南入爲男北入爲女西入爲老人東

入為丁壯棺木大貴 同上

填星犯招搖兵大起邊人為寇若守之敵人
敗敵君死期不出二年 占經四十三

填星犯元戈邊兵大起邊人為寇若守之敵
人敗若敵君死 同上

填星犯守匏瓜天下有憂 同上

太白入犯攝提兵起滿野強臣謀主若守衛
臣有謀期二年 占經五十一

太白犯招搖邊兵大起敵人為寇若守之敵

敗若敵君死期不出三年 同上

太白犯守元戈為邊兵大起敵人為寇若守
之敵人敗若敵君死期不出二年 同上

太白犯守匏瓜天下有憂若有遊兵名果貴

一曰魚鹽價五倍 同上

太白入守天船兵起舟楫用有亡國期不出
年 同上

太白守軒轅兵大起憂宮中若女喪各以其
所犯占之期一年 同上

太白入紫微宮中犯北極臣害其主天下大亂兵起四塞易主期百八十日遠一年同上

太白犯土司空邦君有死者占經五十二

辰星犯守營室中女子多死者占經五十五

辰星入奎有溝瀆之事於國外占經五十六

辰星之婁其國任能賢人當用辰方得達同上

辰星之畢川河大盛民多死亡同上

辰星入參犯守之不出其年有兵起若拔邑

先起兵者破亡後起兵者昌同上

辰星犯招搖邊兵大起敵人為寇若守之敵人敗若敵主死期不出三年占經五十八

辰星犯元戈邊兵大起敵人為寇若守之敵

主死期不出二年同上

辰星犯守匏瓜天下有憂若有游兵水果貴

一曰魚鹽貴十倍不出其年同上

辰星入天船或守之兵大起舟船用有亡國

期不出年同上

辰星犯守狼星天下多奸盜有兵起其國以

水為憂

占經五十九

參離衡西西寇強參離衡北北寇強參入衡

中國內盜起

占經六十二

翼星黃潤明朗皆夙興夜寐勤心工作天下

豐嘉四海乂安

占經六十三

軫星出次或變色后妃爭寵若宮人為亂若

奸臣陰謀

同上

星有三角而流所入之舍其下有喪星有四

角五角而流所入之舍其下有兵必戰星有

六角至九角而流四方大飢民皆流離

占經七十一

流星突犯左角左將軍戰死

占經七十二

流星犯左角太子不得立

同上

陰星流犯須女宮女有陰私若以水為災

同上

流星犯昴宮人內變女主有出走者

同上

流星犯井鉞大臣不誅必謫戍

同上

流星犯冀國有大令四布民驚傳相告

同上

客星犯奎南民多移徙若疾病

占經八十一

客星犯婁之北客星有光婁宿搖動司馬有罪謫者同上

客星犯昴中宮人有以罪幽閉者若大臣被係同上

客星犯守輿鬼貴人有誅戮之憂若巫覡惑眾禱祠盛行占經八十二

客星自北入軫有兵在外必罷而還轅客星自南入軫兵自中出乘輿有巡狩之令同上

客星犯人星羣策輔佐朝國天下平安占經八十一

客星犯守芻藁山林材木皆空若芻薪大貴

客星若小六畜以食草肥盛同上

月旁有黑星或近或遠若相侵犯者所謂天猿星也其妖主下陵上妾謀妻此星見妃妾必有陰毒悖逆之事皇后不安占經八十七

河圖讖附

上參南斗第一星下立草屋為紫庭神龍之

岡梧桐生鳳鳥戢翼翔且鳴南史齊高帝紀

十一 注古微書

考靈差德而知堯步舜驟禹馳湯騫御覽七十六古微書連注作正文今從御覽

德有優劣故日行轉疾也同上古微書

穿胸儻耳莫不貢職文選魏都賦注

遠都殊域莫不嚮風文選司馬長卿喻巴蜀檄注

叔梁紇與徵在禱尼邱山感黑龍之精以生

仲尼古微書 禮檀弓上疏

下學上達知我者其天乎文選赭白馬賦注

邑名朝歌顏淵不舍七十弟子掩目宰予獨

願由蠶墮車水經淇水注

宋均曰子路患宰子願視凶地故以足蹶

之使墮車也同上

里名勝母曾子斂襟御覽一百五十七

顏回有角額似月形淵水也月是水積故名

淵文選任彦升王文憲集序注

孺悲欲見鄉黨慕義同上

漸於蘭則芳漸於鮑則臭御覽九百八十三古微書

古者七十二家為里雷震百里聲相附古微書

古者八字禮雜記下疏引雷震七字初學記一類聚二御覽十三並引論語識

宋均注雷動百里故因以制國也雷聲謂

諸侯之政教所至相附也初學記類聚御覽同上古微書

論語陰禧識

庚子之旦金版尅書出地庭中曰臣族虐王

禽文選任彥升百辟勸進今上賤注路史後紀十四注引桀殺龍逢後庚子旦有金版

出於中庭刻曰族王禽古微書引桀殺龍逢於庚子之旦有金版尅書出於庭中地曰臣族虐王禽

宋均曰謂殺關龍逢之後庚子旦庭中地

有此版異也龍同姓稱族王虐殺我必見

禽也同上路史後紀十四注引注云桀與逢同姓故云族王言必見禽殺也逢

乃高陽後故別本作旋王古微書龍同姓爾族至見禽也在謂殺關龍逢上

虐王反度枉矢合古微書御覽八百七十五引摘輔象虐作虛

聖人為政澤出馬文選東京賦注

論語崇爵識

子夏共撰仲尼微言以當素王文選曹顏遠思友人詩注

論語素王受命識

論語識

三

王者受命布政易俗以御八極莫不嗚鳴引
頸歸德 經義考引文選李注

論語紀滑識

漸漬以道廢消乃行

經義考引文選李注

陳滅齊六卿分晉

同上

論語識

雷震百里聲相附

初學記一御覽十三

宋均曰雷動百里故因以制國也雷聲謂
諸侯之政教所至相附也 同上

自衛反魯刪詩書修春秋

文選劉子駿移書讓太常博士注

仲尼云吾聞堯率舜等遊首山觀河渚一老

曰河圖將來告帝期

文選王元長曲水詩序注

子夏六十人共撰仲尼微言也

文選曹子建王仲宣誄注

又蔡伯喈郭有道碑文作六十四人

仲尼居鄉黨卷懷道美

文選沈休文齊故安陸昭王碑文注

宋均曰懷藏也

同上

伯夷叔齊義讓龍舉

同上路史後紀四讓作遜

仲尼云吾聞堯與舜同遊首山觀河渚有五

老來見曰河圖將來告帝圖書言訖化作五星飛入雲中而隱

開元占經七十七

宋均曰五老五客星也

同上

仲尼曰吾聞堯率舜等遊首山觀河渚有五老遊河渚一老曰河圖將來告帝期二老曰河圖將來告帝謀三老曰河圖將來告帝書四老曰河圖將來告帝圖五老曰河圖將來告帝符龍銜玉苞金泥玉檢封盛書五老飛為流星上入昴

御覽五事類賦二又御覽三百八十三引作二老曰河圖

將地言帝謀持龜三字疑誤又五老曰河圖於本四字似注浮龍銜玉苞則河圖將下脫

平星主

御覽六

古微書入陰嬉識

五帝立

白虎通辟雍

補考識

水名蔡泉仲尼不漱

御覽地部三十五

附識
 論語比考識
 甘泉黃奭學
 逸書考
 五帝立師三王制之
 古微書案此二語見白
 虎通辟雍引論語識下
 又引傳曰黃帝師力牧云云古微書引此作
 此考識又以所引傳附入之不知何據
 黃帝師力牧帝顓頊師錄圖帝嚳師赤松子
 帝堯師務成子帝舜師尹壽禹師國先生湯
 師伊尹文王師呂望武王師尚父周公師虢
 叔孔子師老聃古微書
 仲尼曰吾聞帝堯率舜等升首山觀河渚乃

附識

論語比考識

甘泉黃奭學

逸書考

五帝立師三王制之

古微書案此二語見白虎通辟雍引論語識下

又引傳曰黃帝師力牧云云古微書引此作此考識又以所引傳附入之不知何據

黃帝師力牧帝顓頊師錄圖帝嚳師赤松子

帝堯師務成子帝舜師尹壽禹師國先生湯

師伊尹文王師呂望武王師尚父周公師虢

叔孔子師老聃古微書

仲尼曰吾聞帝堯率舜等升首山觀河渚乃

論語比考識

一

有五老游渚五老曰河圖將浮龍銜玉苞刻

版題命可卷金泥玉檢封書成知我者重瞳

黃姚視五老飛為流星上入昴文選任彥升

注路史後紀十二注引重瞳黃姚黃其德也

入昴宿則復為星同上

堯舜等昇首山觀河渚有五老遊於河渚相

謂曰河圖將來告帝期五老流星上入昴有

頃赤龍負玉苞舒圖出堯與大舜等共發曰

帝當樞百則禪虞堯喟然歎曰咨爾舜天之

麻數在爾躬御覽八十一

仲尼曰吾聞帝堯率舜等游首山觀河渚有

五老游河渚一曰河圖將來告帝期二曰河

圖將來告帝謀三曰河圖將來告帝書四曰

河圖將來告帝圖五曰河圖將來告帝符有

頃赤龍銜玉苞舒禮刻版題命可卷金泥玉

檢封盛書威疑曰知我者重童也五老乃

為流星上入昴黃姚視之龍沒圖在堯等共

發曰帝當樞百則禪于虞堯喟然曰咨汝舜

天之麻數在汝躬允執其中四海困窮天祿

永終乃以禪舜路史餘論七古微書一二三四五下俱有老字舒禮作舒

圖乃以禪舜下有堯在位七十年將以天下

禪舜乃潔齊修壇場於河洛率舜等升首山

邊河渚有五老游焉蓋五星之精相謂河圖

將浮于是龍銜玉苞刻木版題命可卷金泥

玉檢封書咸知我者重瞳黃姚視五老飛為

流星上入昂引見文選宣德皇后令注

聖王御世河龍負卷舒圖古微書文選薦譙

殷惑女妲己玉馬走文選任彥升百辟勸進

宋均曰女妲己有美色也玉馬喻賢臣奔

去也同上

伯夷叔齊義遜隆舉古微書文選安陸昭

孔子讀易韋編三絕鐵撻三折漆書三滅古微

書案此語見史記困學紀聞十引抱朴子祛

惑篇亦有韋編三絕鐵撻三折二語葛氏困

學紀聞集證云太平御覽六百十六引論語

比考識曰孔子讀易云云葛氏蓋本緯書今

檢御覽是引史記

叔孫武叔毀孔子譬若堯民曰我耕田而食

穿井而飲堯何力焉御覽八百二十二古微

叔孫武叔毀仲尼如堯民云堯何功力者

水名盜泉仲尼不漱里名勝母曾子斂衿古

書御覽六十三引首二句後漢列女傳注水經涿水注類聚九御覽七又百五十七並引撰考議雅聚珍版水經注作比考識

孔子教於洙泗之間今於城北二水之中

卽夫子領徒之所也御覽六十三疑此注有誤

邑名朝歌顏淵不舍七十子掩目宰子獨顧

由蹶墮車古微書水經淇水注續博物志並撰考識惟殿版六經注作比考識

宋均注子路患宰子顧視凶地故以足蹙

之同上

子夏與子貢過社社樹有鳥子路搏鳥社人

牽子路子貢說之乃止古微書子夏誤當作子路博物志

子路感雷精而生尙剛好勇親涉衛難結纓

而死孔子聞而覆醢每聞雷鳴乃中心惻怛

故後人忌焉以爲常也古微書御覽十三引論衡

孔長彥孔季彥兄弟聚徒數百故時人爲之

語曰魯國孔氏好讀經兄弟講誦皆可聽學

士來者有聲名不過孔氏那得成古微書案此見宋李

石續博物志四陶淵明云事見論語摘輔象

下卽接孔長彥云云古微書不察遂以爲摘

輔象不知事見論語摘輔象謂上文燧人四

佐伏義六佐黃帝七輔非謂孔長彥孔季彥

也刻本連接不分晰遂致貽誤孔長彥孔季

彥事見連叢子

徐衍負石伐子自狸首守分亡身握石失軀

古微書文選鄒陽獄中上書注無首字

從善繹繹襁負而歸市

御覽八百二十七古微書

君子上達與天合符

文選袁彥伯三國名賢序贊注又李蕭遠運命

論注

仁義在身行之可強

同上

以俟後聖垂基也

文選陸士衡五等論注

文德以懷邦

文選顏延年陶徵士詠注

正朔所加莫不歸義

文選魏都賦注

附識

孝經雌雄圖

甘泉黃奭學

逸書考

子曰晝冥者水溢山崩水灌涼州凶在五都

酒泉丑日晝冥者鬼山崩水出灌兗州凶在

濟陰任城寅日晝冥者虎山崩水灌徐州凶

在下邳鄉邑卯日晝冥者水山崩水灌青州

凶在平原齊國

開元占經一案鬼下虎下疑有脫字

日彗者君有大德天下大豐

同上

日刺者為有氣刺日中也謂下賤度上心知

其是非如猶豫行之也一年有殃臣之犯上也日大色黃最所極甚則眾陰惡氣近傍則賊度上心為刺在左為欲諫惡諫字疑誤在右為欲立王在上為欲撫主在下為欲易君若此之變君急責躬自悔考過執事慎其是非以治王治也同上

日刺甲乙父子取惡也日刺丙丁君臣相疑改政教也日刺戊己后妃有意害君左右日日刺庚辛上下將亂日刺壬癸宦者有傷同上

日中分天下分為二同上

日重累甲乙皇太子殃丙丁大臣折傷戊己后妃失御為祟庚辛將卒軍奸大行也壬癸君政暴亂而下不掩救也其變異所見皆主亡滅之事惟有賢君良臣除大惡革偽朝定尊卑如此則消除同上

子日日鬪者李氏欲為天子丑日日鬪者趙氏欲為天子寅日日鬪者姚氏欲為天子卯日日鬪者衛氏欲為天子辰日日鬪者逢氏

欲為天子巳日日鬪者步氏欲為天子午日日鬪者劉氏欲為天子未日日鬪者朱氏霍氏欲為天子申日日鬪者陳氏欲為天子酉日日鬪者周氏二字原缺據魏氏圖補欲為天子戌日日鬪者閻氏欲為天子亥日日鬪者秦氏欲為天子同上

日冠謂臣權在君上也不損至於進所愛復不損害忠良復不損專主政復不損邪行私復不損王政衰復不損謀為非謂不以禮自

治上不知也占經七

日冠甲乙天子欲養也丙丁君臣相反覆下逆上上不能止息也戊己妻黨貴寵極也庚辛將帥僭號為奸壬癸寒賤暴貴同上

日左珥者君有陰私事與旁婦為奸在西宮中欲立下疑脫為后二字右珥者君有重宮婦人陰事私發同上

日珥者此變最劇敗傷君者也致滅上有亡徵禍從君不禁下起在左右禍從臣詐主在

上禍從后妃在下禍從臣專政從為自用橫為暴多與奸臣通 同上

日冠左珥者君為婦女私相知 同上

日紐冠者君兄弟婦女私相奸淫也 同上

日四旁有四珥珥外左右有二抱者子孫昌 同上

同上

日冠紐左珥者君與舊母 舊字疑誤 私相狎 同上

日冠紐左右珥天下有吉喜五逆皆除 同上

日紐左珥為兄弟私相通 同上

日上有冠三重日下有虹下行正直長丈不

出一年立故貴人絕後者其年小熟穀賤歲

有兵一年中天下不安 同上

日刺冠重累並出邊見者是臣弑君子弑父

之變也宜審察之 同上

子日日蝕者燕國王死期在五月十一月丑

日日蝕者趙國王死期在六月十二月寅日

日蝕者齊國王死期在七月正月卯日日蝕

者魯國王死期在八月二月辰日日蝕者楚

國王死期在九月三月巳日日蝕者宋國王
死期在十月四月午日日蝕者梁國王死期
在五月十一月未日日蝕者沛國王死期在
六月十二月申日日蝕者鄭國王死期在八
月二月戌日日蝕者韓衛王死期在九月三
月亥日日蝕者秦魏王死期在十月四月
十

三光占曰辰星犯胃母子同死國立後王且
有急令國主當之 占經五十六

辰星犯守昴塞外之兵起北國失政一曰在
陰謀 同上



附識

遁甲開山圖

榮氏

甘泉黃爽學

逸書考

五龍見教天皇被迹望在無外柱州崑崙山

上水經河水一注又初學記九藝文十一御覽七十八引天皇被迹在柱州崑崙山下又路史前紀二注引五龍見教天皇又引天皇出於柱州說郭五同

榮氏注云五龍治在五方為五行神五龍

降天皇兄弟十二人分五方為十二部法

五龍之迹行無為之化天下仙聖治在柱

州崑崙山上無外之山在崑崙東南一萬



二千里五龍天皇皆出此中為十二時神也水經河水一注榮氏注曰天皇兄弟十二人身貌相類不可分別治在柱州崑崙山也御覽七十榮氏解曰五龍爰皇後君也兄弟四人皆人面龍身長曰角龍木仙也次曰徵龍火仙也次曰商龍金仙也次曰羽龍水仙也父曰宮龍土仙也父子同得仙治在五方今五行之神也御覽十七說郭五又文選郭景純遊仙詩注引無爰字後作后四人作五人父曰作次曰父子作父與諸子無末六字案路史

前紀二注引榮氏云五龍爰皇後君也昆弟五人而龍身然以五音五行分配為五龍之名如龍角木僊之類而以宮龍土僊為父又言五龍以降天皇兄弟十二人分五方為十二部法五龍之迹行無為之化為十二時神是天皇在五龍之後矣亦見李善遊仙詩注以上俱見路史注案五龍之名不過其封號耳榮氏以為龍身泥矣

地皇興於熊耳龍門山藝文十一御覽七十又路史前紀二地皇氏作出於熊耳龍門之山注云見遁甲開山圖

榮氏曰地皇兄弟十人面貌皆如女子貌皆相類蛇身獸足生於龍門山中御覽七十八

人皇起於形馬

御覽七十八又路史前紀二引人皇出於刑馬山提地之

榮氏注人皇兄弟九人生於形馬山身有

九也御覽七十八藝文十一引身有九也

九也作身九色誤案身作人字解謂人有

有巨靈者徧得元神之道故與元氣一時生

混沌御覽十一又見十五說郛五

有巨靈胡者徧得坤元之道能造山川出江

河文選西京賦注水經河水四注引坤作神無江字路史前紀三注引坤作神

巨靈與元氣齊生為九元真母

路史前紀三注

仇夷山四絕孤立太昊之治伏犧生處

御覽七十

入說郛五路史後紀一注引作四面絕立治下有也字生上有之字案水經漾水注漢水又東南徑瞿堆西又屈徑瞿堆南絕壁峭峙孤險雲高望之形若覆壺其高二十餘里羊腸蟠道三十六迴開山圖謂之仇夷所謂積石嗟峨嶽岑隱阿者也

榮氏曰伏犧生成紀徙治陳倉

水經渭水上注路史

後紀一引作正文紀作起誤又後紀五遁甲太昊亦治陳倉

女媧氏沒大庭氏王有天下五鳳異色

路史前紀

六大庭氏之膺籙也適有嘉瑞之辰增輝五鳳異色下注云見遁甲開山圖六帖韻海作

五風誤案文選七發注引女媧下無次有柏氏字大庭氏下有之字鳳作風亦誤 皇氏中央氏栗陸氏驪連氏赫胥氏尊盧氏祝融氏混沌氏吳英氏有巢氏葛天氏陰康氏朱襄氏無懷氏凡十五代皆襲庖犧之號自無懷氏已上經史不載莫知都之所在御覽七十八說郭五

共工氏水德居木火之間霸而不王女媧是三皇之稱三皇者多有不同以太昊炎帝為二皇其一或稱女媧或稱祝融或稱

共工未知孰是自女媧至無懷十五代合一萬七千七百八十七歲御覽同上

石樓山在琅邪昔有巢氏治此山南初學記九類聚王天下百有餘代未詳年代也御覽七十

麗山氏分布元氣各生次序產生山谷御覽一史後紀三注引厲山氏產山谷分布元氣

麗山西北有温池水經漆水注

帝少昊死葬雲陽山御覽七十九說郭五

蚩尤者炎帝之後與少昊治西方之金路史後紀

四注引陰經遁甲云

震十有四月而生於丹陵路史後紀十一陶唐氏帝堯下注云見遁甲開山圖

熊耳山有金匱石室夏禹藏圖書之所寰宇記河南通虢州盧氏縣初學記八引首八字

禹游於東海得玉圭碧色長尺二寸圓如日月以日照自達幽冥後漢書張衡傳注又御覽八十二引玉下無圭

字尺上有一字圓作光目作自上無以字達禹以自照洞達幽明

禹開宛委山得赤珪如日碧珪如月長一尺

二寸寰宇記江南東道越州會稽縣御覽四十七

游龍門口神採玉簡授之長尺二寸禹執簡平定水土路史後紀十三注

榮氏解曰女狄暮汲石紐山下泉水中得月精如雞子愛而含之不覺而吞遂有娠

十四月生夏禹事類賦一又御覽三百六十五引泉字作大祠前說郭

五同路史後紀十三注引含之作吞之下云遂孕十四月生夏禹書鈔一陳禹謨補引同案此條無正文開山經姑附於此御覽四及七十引並同事類賦

絳北有陽石山有神龍池黃帝時遣雲陽先

生養龍於此歷代帝王養龍之處國有水旱不

時即祀池請雨御覽十一又六十七引榮氏解同路史前紀三注

沙土之浦雲陽之墟可以長生可以隱居沙

土即長沙也雲陽古仙人也御覽七十四路史前紀三注引

浦作福誤生作往居作處無末二句又云沙長沙所謂萬里沙見通甲經

鄭有不毛山上有無為之君分布雲雨於九

州之內御覽十一事類賦三

榮氏曰不毛山不生樹木無為之君常處

其上布灑雲雨九州之內平均御覽同上

自老子生周青氣凌遲俗儒道士無所通驗

御覽十五

南溟之山金堂玉室上無元氣實茲元化御覽

一案無字疑誤

驪山西有阜名風涼原雍州之福地初學記八

灕山圍繞大山為霍山水經泚水注

霍山有玉石芝生大石上萬人牽終不拔以

竹刀割之即斷御覽三百四十五

霍山南岳有雲師雨虎

御覽十一孫毅易通卦驗按語引至石上

榮氏解曰雲師如蠶長六寸有毛似兔雨

虎如蠶長七八寸似蛹雲雨之時出在石

上肉甘可熟而食

同上孫氏引無榮氏解曰四字

其山上侵神氣下固窮泉

水經禹貢山水澤地所在注引山謂

霍山也

遼東有襄平山多饒鬼目之菜生而有神虎

龍蛇大魚守之雲氣覆之食之令人不飢

入案大魚二字疑誤

榮氏注鬼目菜形似魚守芝草常有氣如

龍虎蛇魚之狀

同上案魚守芝草四字有誤

泰山在左亢父在右亢父知生梁父主死

汶水注

隴西神馬山有淵池龍馬所生

水經漾水注襄宇記隴右

道秦州清水縣御覽六十五引淵作泉生

漢陽西南有祁山九州之名阻天下之奇峻

御覽四十四寰宇記隴右道長道縣水經

漾水注岐山下有溪徑逶迤山高巖險八字

天鼓山九州害起則鳴有常應水經禹貢山水澤地所在

石鼓山有石鼓於星為河鼓星動則石鼓鳴

石鼓鳴則秦上有殃鳴淺殃萬物鳴深則殃

君王矣同上

山多重固在韓水經洛水注山謂金門山案此句有脫誤

白馬山有白馬羣行山上悲鳴則河決馳走

則山崩寰宇記河南道滑州白馬縣水經注河水五御覽四十二又一百六十

盧氏山宜五穀可以避水災因山以名縣御覽

一百五十九說郛五案水經洛水注引無末五字此句當衍又寰宇記虢州盧氏縣引有末五字蓋樂氏之辭

山四方周四百餘里疊郭之巖萬仞懷靈抱

異苞諸仙迹水經廬江水注山謂廬山也疊郭下疑是道元語

緱氏山水經洛水注休水北歷覆釜堆開山圖謂之緱氏山也亦云仙者昇焉

大石山水經伊水注小狂水又西南徑大石嶺南開山圖所謂大石山也

神芝五色生於名山之陰五色雲氣覆之其

味甘苦以銅刀收之御覽三百四十五

赤雀不見則國無賢白雀不降則無後嗣藝文

九十九

梧桐不生則九州異君御覽九百五十六藝文八十八引無君字爾雅翼九說郭五同

梧桐以知日月正閏生十二葉一邊有六

葉從下數一葉為一月至上十二葉有閏

十三葉小餘視之則知閏何月也不生九

州各異君天下不同也御覽同上

徐無山出不灰之木生火之石水經鮑邱水注

注其木色黑似炭而無葉有石赤色如丹

以二石相磨則火發以然無灰之木可以

終身今則無之同上

霍山南岳其獸多赤貂御覽九百十二

霍山南岳其獸多紫獺同上

山邊水故有紫獺同上

温修山實三陽山也寰宇記關西道乾州二水壽縣

絳水出絳山東谷東距白馬山寰宇記河東道絳州曲沃縣

河東有獨頭山多青檀可以為良弓御覽二百四十一

魏文書此論
瑀元瑜汝南應瑒德璉東平劉楨公幹斯七
子者於學無所遺於辭無所假咸以自騁驥
驟於千里仰齊足而並馳以此相服亦良難
矣蓋君子審己以度人故能免於斯累而作
論文王粲長於辭賦徐幹時有齊氣然粲之
匹也如粲之初征登樓槐賦征思幹之元猿
漏卮員扇橘賦雖張蔡不過也然於他文未
能稱是琳瑯之章表書記今之雋也應瑒和
而不壯劉楨壯而不密孔融體氣高妙有過

人者然不能持論理不勝詞至於雜以嘲戲
及其所善揚班儔也常人貴遠賤近向聲背
實又患闇於自見謂己爲賢夫文本同而未
異蓋奏議宜雅書論宜理銘誄尙實詩賦欲
麗此四科不同故能之者偏也惟通才能備
其體文以氣爲主氣之清濁有體不可力强
而致譬諸音樂曲度雖均節奏同檢至於引
氣不齊巧拙有素雖在父兄不能以移子弟
蓋文章經國之大業不朽之盛事年壽有時

委文高典評
而盡榮樂止乎其身二者必至之常期未若
文章之無窮是以古之作者寄身於翰墨見
意於篇籍不假良史之辭不託飛馳之勢而
聲名自傳於後故西伯幽而演易周旦顯而
制禮不以隱約而弗務不以康樂而加思夫
然則古人賤尺璧而重寸陰懼乎時之過已
而人多不強力貧賤則懾於饑寒富貴則流
於逸樂遂營目前之務而遺千載之功日月
逝於上體貌衰於下忽然與萬物遷化斯志

士之大痛也融等已逝惟幹著論成一家言

昭明文選卷五十二魏文帝典論論文○案
昔人引典論以博物志時代最居前今以昭
明所引全篇用弁於首魏志注帝
自序次之其他零簡以類編錄

帝自敘曰初平之元董卓殺主一作鳩后蕩

覆王室是時四海既困中平之政兼惡卓之
凶逆家家思亂人人自危山東牧守咸以春
秋之義衛人討州吁於濮言人人皆得討賊
於是大興義兵名豪大俠富室強族飄揚雲
會萬里相赴兗豫之師戰於滎陽河內之甲

魏文帝詔
軍於孟津卓遂遷大駕西都長安而山東大
者連郡國中者嬰城邑小者聚阡陌以還相
吞滅會黃巾盛於海岱山寇暴於并冀乘勝
轉攻席卷而南鄉邑望烟而奔城郭覩塵而
潰百姓死亡暴骨如莽時余年五歲上以世
方擾亂教余學射六歲而知射又教余騎馬
八歲而能騎射矣以時之多故一作多難故每征
伐余嘗從建安初上南征荊州至宛張繡降
旬日而反亡兄孝廉子修從兄安民遇害時

余年十歲乘馬得脫夫文武之道各隨時而
用生平中平之季長一旅戎之間是以少好
已馬於今不衰逐禽輒十里馳射常百步日
夕體倦心每不厭建安十年始定冀州歲貊
獻良弓燕岱獻名馬時歲之暮春勾芒司節
和風扇物弓燥手柔艸淺獸肥與族兄子丹
獵於鄴西終日手獲麀鹿九雉兔三十餘後
軍南征次曲蠡尙書令荀彧奉使犒軍見余
談論之末或言聞君善左右射此實難能余

魏文帝與諸
曰將有常徑的有常所雖每發輒中非至妙也若夫馳平原赴豐艸邀狡獸截輕禽使弓不虛彎所中必洞胸斯則妙矣時軍祭酒張京在座顧或拊手曰善余又學擊劍閱師多矣四方之法各異惟京師爲善桓靈之間有虎賁王越善斯術稱於京師河內史阿言昔與越遊具得其法余從阿學之甚精熟嘗與平虜將軍劉勳奮威將軍鄧展等共飲宿聞展善有手臂曉五兵又稱其能空手入白刃

余與論劍良久謂言將軍法非也余顧嘗好之又得善術因求與余對時酒酣耳熱方食芋蔗便以爲杖下殿數交三中其臂左大
笑展意不平求更爲之余言吾法急屬相
中面故齊臂耳展言願復一交余知其欲突
以取中也因僞深進展果尋前余卻腳鄴正
截其額坐中驚視余還坐笑曰昔陽慶使淳
于意去其故方更授以秘術余亦願鄧將軍
捐棄故伎更受要道也一坐盡歡夫事不可

自謂已長余少曉持複自謂無對俗名雙戟
為坐鐵室鑲楯為蔽木戶後從陳國袁敏學
以單攻複每謂若神對家不知所出先曰若
逢敏於狹路直決耳余於他戲弄之時少所
喜惟彈碁畧盡其妙乃少為之賦昔京師先
工有馬合鄉侯東方安世張公子嘗恨不得
與彼數子者對意林卷五引余嘗彈碁畧盡
其巧少嘗作賦昔京師有東
方安世張公子嘗恨
不得與彼數子對之上雅好詩書文籍雖在
軍旅手不釋卷每定省從容常言人少好學

則思惠長則善忘長大而能勤學者惟吾與
袁伯業耳余是以少誦詩論及長而備歷五
經四部史漢諸子百家之言靡不畢覽所著
書論詩賦凡六十篇至若智而能愚勇而知
怯仁以接物恕以及人以付後之良史魏志
武紀

注文紀注世說巧藝篇注史記索隱卷二十
六司馬相如傳注藝文類聚卷七十四巧藝
部卷八十七菓部初學記卷九帝王部北堂
書鈔卷三卷十卷十二帝王部太平御覽卷
九十三皇王部卷五百九十二文部卷七百
十四用部卷七百四十六工部卷九百七
十四菓部按此自敘似亦篇名魏志注太
平御覽二書所引較為完善世說注等則畧

引數語北堂書鈔引皆單句今竝錄之

太子篇序云余蒙隆寵忝當上嗣憂惶踧踖

上書自陳欲繁辭博稱則父子之間不文也

欲畧言直說則喜懼之心不達也里語曰汝

無自譽觀汝作家書言其難也意林卷五

欲納二女充備六宮佐宣陰陽聿修古義文選

范蔚宗後漢書

皇后紀論注

惟建安二十四年二月丙午魏太子丕造百

辟寶劍長四尺二寸重一斤十有五兩淬以

清漳厲以鑑諸飾以文玉表以通犀光似流

星名曰飛景

藝文類文卷六十軍器部初學記卷十儲宮部太平御覽卷三

百四三兵部

魏太子丕造百辟寶刀三其一長四尺三寸

六分重三斤六兩文以靈龜名曰靈寶其二

采似丹霞名曰含章其三鋒似嚴霜刀身劍

鍔名曰素質長四尺三寸重二斤九兩又造

百辟露陌刀一長三尺二寸重二斤二兩狀

似龍文名曰龍鱗刀

太平御覽卷三百四十六兵部又初學記卷十

儲宮部卷二十二 武部藝文類聚卷六十 軍器部北堂書鈔卷一百二十三 武功部皆引御覽為最詳備

昔者周魯寶赤刀孟勞楚越稱太阿純鉤余好擊劍善以短乘長故選茲良金命彼國工精而煉之至於百辟其始成也五色繞爐巨橐自鼓靈物彷彿飛鳥翔舞以為三劍三刀三七首因姿定名以銘其拊惜乎不遇薛燭青萍也其三劍一曰飛景長四尺二寸二曰流采長四尺二寸三曰華鋌色似綵虹長四

尺二寸其三刀一曰靈寶長四尺二寸文似

靈龜二曰含章采似丹霞長四尺四寸三曰

素質長四尺三寸刀身而劍缺其三匕首一

曰清剛長二尺三寸光似堅冰二曰陽文長

二尺二寸重一斤六兩曜似朝日三曰龍鱗

狀似龍文太平御覽卷三百四十六兵部又

鈔卷一百二十二武功部卷一百二十三武

功部初學記卷二十二武功部卷一百二十三武

命注並引造劍事語皆畧於御覽又二曰流

采三曰華鋌書鈔卷二曰華鋒三日流采又

華鋌色似采虹白帖卷二曰流綵色似彩玉

又書鈔曰楚國太阿徐氏匕首上世名器又

文選注曰魏太子丕造素質堅而似霜造也首理似堅永語亦小異

昔周魯寶雍狐之戟屈盧之矛狐父之戈徐

氏匕首凡斯皆上世名器君子雖有文事必

有武備矣藝文類聚同上軍器部太平御覽卷三百三十九兵部卷三百四十六兵部

陳恩王辯道論云世有世有下疑缺方士二字吾王悉

招至之甘陸有甘始廬江有左慈陽城有卻

儉始能行氣儉善辟穀悉號三百歲自王與

太子及余之兄弟咸以為調笑不全信之然

嘗試卻儉辟穀百日猶與寢處行步起居自

若也夫人不食七日則死而儉乃能如是左

慈修房中之術可以終命然非有至情莫能

行也甘始老而少容自諸術士咸共歸之王

使卻孟節主領諸人博物志卷五

王仲統云甘始左元放東郭延年行容成御

婦人法竝為丞相所錄間行其術亦得其驗

降就道士劉景受雲母九子丸方年三百歲

莫之所在武帝曾御此藥亦云有驗劉德治

淮南王獄得枕中鴻寶秘書及子向咸共奇之信黃白之術可成謂神仙之道可致卒亦無驗乃以罹罪也

博物志同上

論卻儉等事曰潁川卻儉能辟穀餌伏苓甘陵甘始亦善行氣老有少容廬江左慈知補導之術竝為軍吏初儉之至市伏苓價暴數倍議郎安平李覃學其辟穀餐伏苓飲寒水中瀉利殆至殞命後始來眾人無不鷗視狼顧呼吸吐納軍謀祭酒宏農董芬為之過差

氣悶不通良久乃蘇左慈到又競受其補導之術至寺人嚴峻往從問受闔豎真無事於斯術也人之逐聲乃至於是光和中北海王和平亦好道術自以當仙濟南孫邑少事之從至京師會和平病死邕因葬之東陶有書百餘卷藥數囊悉以送之後弟子夏榮言其尸解邕至今恨不取其寶書仙藥劉向惑於鴻寶之說君游眩於子政之言古今愚謬豈惟一人哉

魏志華佗傳注又博物志卷五引議郎李覃學卻儉辟穀食至人之

逐聲乃至
于是數語

夫生之必死天地所不能變賢聖所不能免

文選劉孝標
辯命論注

饑餐瓊藥渴飲飛泉

文選郭景純
遊仙詩注

夫生之必死成之必敗然而惑者望乘風雲

冀與螭龍共駕適不死之國國即丹谿其人

浮遊列缺翱翔倒景然死者相襲邱壘相望

逝者莫反潛者莫形足以覺也

文選注同上
按國即丹谿

似李善所增非
非典論本文

喪亂以來漢氏諸陵無不發掘至乃燒取玉

柙金鏤體骨竝盡

文選張孟陽
七哀詩注

桓靈之際閹寺專命于上布衣橫議于下干

祿者殫貨以奉貴要名者傾身以事勢位茂

乎私門名定乎橫巷由是尸異議人殊論論

無常檢事無定價長愛惡興朋黨

意林
卷五

詩刺豔妻書誠晨婦司隸馮方女有國色避

亂揚州袁術登城見而悅之遂取焉甚寵之

諸婦教之曰將軍貴人重其志節宜數涕泣

示憂愁也若如此加重馮氏後每見術遂一作

泣術果以謂有心益寵之諸姬乃共絞殺

之懸之於廁言其哀怨自殺術以其不得志

而死厚加殯殮藝文類聚卷十八太平御覽

異袁紹妻劉氏甚妬忌紹死未殯劉氏殺其

妾五人恐死者有知復能寵之髡頭黑面以

毀其容意林卷五魏志袁紹傳注後漢書袁

紹傳注太平御覽卷三百六十五引

袁譚長而惠尚少而美紹妻劉氏愛尚數稱

其才紹亦奇其貌欲以為後未顯而紹死紹

妻劉性酷妬紹死僵尸未殯寵妾五人劉盡

殺之以為死者有知當復見紹於地下乃髡

頭墨面以毀其形尚又為盡殺死者之家魏志

袁紹傳注後漢書袁紹傳注引自袁紹妻劉

氏性酷妒至未太平御覽卷三百六十五人

事部引與後漢注

微異而無末九字

上洛都尉王琰獲高幹以功封侯其妻哭於

內為琰富貴更娶妾故也藝文類聚卷三十

卷四百八十七人事部又見

意林卷五無獲高幹三字

劉表疾病其子琦還省疾琦性慈孝蔡瑁張允恐

表父子相感更有託後之意謂曰將軍命君撫臨江夏為東國藩其任至重今

釋眾而來必見譴怒傷親之歡心以增其疾非孝敬也遂過於戶外使不得見琦流涕而

去魏志劉表傳注太平御覽卷五百十六宗親部

荆州牧劉表跨有南土子弟驕貴並好酒為

三爵意林驕貴下作以酒器名三爵大曰伯雅次曰仲雅小

曰季雅伯受七升仲受六升季受五升又設

大鍼於坐端客有醉酒寢地輒以劊刺驗其

醒醉意林卷五引止此升作勝無次曰小曰四字是酷於趙敬侯

以筒酒灌人大駕都許使光祿大夫劉松

北鎮袁紹軍與紹子弟日共宴飲嘗以錢夏

三伏之際晝夜酣飲極醉至於無知云以避

一時之暑二方化之故南荆有三雅之爵河

朔有避暑之飲太平御覽卷四百九十七人

造三字七百六十器物部引劉表諸子好酒

百三十資產部引劉表子弟好酒設大針於

坐端有罪狀者輒刺驗其醉醒又初學記卷

三歲時部亦引
避暑之飲一事

孝靈帝末朝政墮廢羣官有司並湏於酒貴

戚尤甚斗酒千錢常侍張讓子奉為太醫令

與人飲去衣露形為樂太平御覽卷八百四
十五飲食部又北堂

書鈔卷一百四
十八酒食部

中常待張讓子奉為太醫令與人飲酒輒裂

引衣裳發露形體以為戲樂將罷又亂其舄

履使小大差踣無不顛倒僵仆踈跌手足因

隨而笑之太平御覽卷二百二十八職官部
卷四百九十七人事部卷六百九

十七服
章部

雒陽令郭珍居財巨億一作家有巨億每暑夏召客

侍婢數十盛裝飾被羅縠破之袒裸其中使

進酒太平御覽卷四百七十二人
事部卷八百四十五飲食部

酒以成禮過則復敗而流於沉湎故作酒誨

以戒之北堂書鈔卷一百
四十八酒食部

夫陰陽交萬物成君臣交邦國治士庶交德

行光同憂樂共富貴而友道備矣初學記卷
十八人部

急賢甚於饑渴用人速於順流北堂書鈔卷
十一帝王部

太平御覽卷八

十八皇王部

結繩而治

北堂書鈔卷十五帝王部

洽和萬國

北堂書鈔同上

法者主之柄吏者民之命法欲簡而明吏欲

公而平

意林卷五

主與民有三求求其為已勞求其為已死求

其為已生

意林同上

序云佞邪穢政愛惡敗俗國有此二事欲不

危亡不可得也

意林同上

堯崩舜避堯子于南河之南舜崩禹避舜子于陽城禹崩益避禹子于箕山之陰事見史

記

意林卷五

孝文帝慈孝寬洪仁厚躬修元默以儉率下

奉生送終事從約省美聲塞於宇宙仁風暢

於四海

太平御覽卷八十八皇王部

孝武帝承累世之遺業遇中國之殷阜府庫

餘金帛倉庫畜腐粟因此有意乎滅匈奴而

得清邊境矣故即位之初從王恢之畫設馬

邑之謀自元光以迄征和四五十載之間征
 匈奴四十餘舉盛餘踰廣漢絕梓嶺封狼居
 禪姑幕梁北河觀兵瀚海刈單于之旗勦閼
 氏之首探符離之窟掃五王之庭北堂書鈔卷十三引
作劉單于之旗探符離之窟踰長城之阻登單于之臺與此不同納休屠昆
 邪之附獲祭天金人之寶斬名王以千數馘
 首虜以萬計既窮追其散亡又摧破其積聚
 虜不暇於救死扶傷疲困於孕重墮隕元封
 初躬抗武節北堂書鈔卷十三引躬抗武節作射秉武節告以天

子自將懼以兩越之誅彼時號為威震匈奴

矣藝文類聚卷十二帝王部太平御覽卷八十八皇王部

或有方周成王於漢昭帝者余為周氏體

聖考之作氣稟賢姚之胎教周召為保傅呂

尚為太師故咳笑必含仁義之聲觀聽必覲

禮義之容宏踐祚之義隆太平之化禮樂興

於上頌聲作於下時成王年二十二享國三

十年世承治長德與年豐夫孝昭父非武王

母非邑姜體不承聖化不胎育保無仁孝之

德佐無隆平之治所謂生深宮中長婦人手

矣德與體並智與性成孝昭之崩年二十有

一承衰弊之世收彫落之民臣無潛身之智

身有短折之期欲高隆周豈不謬哉太平御覽卷四

百四十七
人事部

或問屈原相如之賦孰愈曰優遊案衍屈原

之尚也窮侈極妙相如之長也然原據託譬

喻其意周旋綽有餘度長卿子雲意未能及

北堂書鈔卷
一百款文部

詔馬融以永興中帝獵廣城融從是時北

州遭水潦蝗蟲融撰上林頌以諷藝文類聚
卷一百災

異部

李尤字伯仁少以文章顯賈逵薦尤有相如

楊雄之風拜蘭臺令史與劉珍等共撰漢記

北堂書鈔卷六
十二設官部

君子謹乎約已宏乎接物文選陸士龍大將
軍燕會詩注任彥

昇王文憲
集序注

如彼登山乃勤以求高如彼浮川乃勤以求

意林卷五

晉書

遠惟心弗勤時亦靡剋

應瑒云人生固有仁心答曰在親曰孝施物

曰仁仁者有事之實名非無事之虛稱善者

道之母羣行之主

人形性同於庶類勞則早斃逸則晚死

夷吾侈而鮑叔廉此其志不同也張竦潔而


陳遵污此其行不齊也

汝南許劭與族兄靖俱避地江東保吳郡爭

論於太守許貢坐至於手足相及

太平御覽卷四百九

十六人
事部



子史鈎沈

逸書考

陽泉物理論

甘泉黃奭學

天者旋也均也積陽為剛其體迴旋羣生之

所大仰 北堂書鈔天部 太平御覽天部

楊雄非渾天而作蓋天圓其蓋左轉日月星

辰隨而東西桓譚難之雄不解此蓋天者復

難知也 太平御覽天部

元氣皓大則稱皓天皓天元氣也皓然而已

無他物也 太平御覽天部



儒家立渾天以追天形从車輪焉周髀立天

案天上應有蓋字

言天氣循邊而行從磨石焉斗極

天之中也言天者必擬之人故自臍以下人

之陰也自極以北天之陰也所以立天地者

水也成天地者氣也水土之氣升而為天

案水土句又見初

天者君也夫地有形而天無體

譬如灰焉煙在上灰在下也渾天說天言天

如車輪而日月旦從上過夜從下過故得出

卯入酉或以斗極難之故作蓋天言天左傳

日月不行皆緣邊為道就渾天之說則斗極
不正若用蓋天則日月出入不定夫天元氣
也皓然而已無他物焉 太平御覽天部

自極以南天之陽自極以北天之陰 北堂書

北極天之中陽氣之北極也極南為太陽極 鈔天部

北為太陰太陰則無光太陽則能照故為昏

明寒暑之極也 史記天官書索隱 北堂書

日者太陽之精也夏則陽盛陰衰故晝長夜

短冬則陰盛陽衰故晝短夜長氣之引也行

陰陽之道長故出入卯酉之北行陰陽之道短故出入卯酉之南春秋陰陽等故日行中平晝夜等也

太平御覽天部

月水之精潮有大小月有虧盈

北堂書鈔天部

上弦月從下侵

北堂書鈔天部

日月之口為星辰星辰生於地

太平御覽天部

京房說月與星至陰也有形無光日照之乃

光如以影照日而有影見

藝文類聚天部

星者元氣之英也漢水之精也氣發而昇結

華上浮宛轉隨流名之曰天河一曰雲漢眾

星出焉

詩小雅正義

北堂書鈔天部

星元氣之精曰精也二十八宿度數有數故

謂恒星

太平御覽天部

斗極所以成寒暑

北堂書鈔天部

歲行一次謂之歲星則十二歲而星一周天

也

史記天官書索隱

豈有太乙之君坐于庶人之座魁罡之神存

于匹婦之室

意林

風者陰陽亂氣激案文選風賦注引作擊發而起者也
猶人之內氣因喜怒哀樂激越而發也故春
氣溫其風溫以和喜風也夏氣盛其風燥以
怒怒風也秋風勁其風清以直清風也冬氣
□其風慘以烈固風也此四正之風也又有
四維之風東北明庶物出幽入明也東南
融風以道以長也西南清和萬物備成也西
北不周方潛藏也此八風者方土異氣疾徐
不同和平則順違逆則凶非有使之者也氣

積自然怒則飛沙揚礫發屋拔樹喜則不搖
枝動草順物布氣天下之性自然之理也太平御覽天部 事類賦天部注

積風成雷

北堂書鈔天部 初學記天部 藝文類聚天部 太平御覽天部

風清熱之氣散為電

北堂書鈔天部 太平御覽天部 案北堂書鈔引作熱氣散而為電

軒轅主雷雨之神

北堂書鈔天部

雲雨于是乎出霜雪于是乎降

北堂書鈔天部

疇昔神農始治農功正節氣正寒温以為早晚之期故立麻日藝文類聚歲時部 事物紀原一案事物紀原又引神農立麻日

正月朝四面黃氣其歲大豐此黃帝用事土氣均和四方並孰太平御覽歲時部

陽盈而過故致旱藝文類聚災異部 太平御覽咎徵部

地者底也底之言著也陰體下著也爾雅釋文

地者卦曰坤其德曰母其神曰祇亦曰媪大而名之曰黃帝祇小而名之曰神州亦曰后

土初學記地部 太平御覽地部

其神曰祇祇成也百生萬物備成也其卦為坤其德曰母地形有高下氣有剛柔物有巨細味有甘苦鎮之以五岳積之以邱陵播之以四瀆流之以四川蓋氣自然之體也地發黃泉周伏迴轉以生萬物地者天之根本也形西北高而東南下東西長南北短其盡四海者也北堂書鈔地理部 太平御覽地部

凡居地有大利而無小害者上地也初學記地理部

陸田者命懸于天人力雖修水旱不時則一

年之功棄矣水田制之由人人力苟修則地

利可盡

意林

游濁為土土氣合和而庶類自生

太平御覽地理部

夫土地皆有形名而人莫察焉有龜龍體有

麟鳳兒有弓弩勢有斗石象有張舒形有塞

閉容有隱真之安有累卵之危有膏英之利

有培塿之害此四形者氣勢之始終陰陽之

所極也

初學記地理部

事類賦地理部

形有高下氣有剛柔

北堂書鈔天部

炎氣鬱蒸地之張也秋風蕩生地之閉也

書鈔天部

定寧無不載廣厚無不容

北堂書鈔天部

土精為石

藝文類聚地部

石氣之核也氣之生石猶人筋絡之生爪牙

也

初學記地理部

必得崑山之玉而後寶則荆璞無夜光之美

必須南國之珠而後珍則隋侯無明月之稱

意林

所以立天地者水也夫水地之本也吐元氣發日月經星辰皆由水而興

太平御覽地部

九州之外皆水也余昔在會稽仰看南山見

雲如瀑練方數丈其聲如礮礧須臾山下居

民驚駭洪水大至

太平御覽地部

河色黃

案白帖引作黃赤象

者眾川之流蓋濁之也百

里一小曲千里一曲一直矣

水經注河水太平御覽地部

堯世洪水民登木而棲懸釜而爨

太平御覽器物部

九州變易交錯不同禹貢有梁州無并州周

官有并州無梁州爾疋有營州無青州漢興

武帝開拓三方立十三州通并梁之數而增

交益焉

太平御覽州郡部

買宅者先卜鄰焉

初學記居處部白帖太平御覽州郡部

買鄰之直貴于買宅

太平御覽州郡部

故人之在孕者總其名籍上之天府天子立

金匱玉閣命司錄以監省之

太平御覽居處部

夫齒者年也身之實也藏之釜鑿調諧五味以安性氣者

太平御覽人事部

咽喉者生之要孔

太平御覽人事部

腸胃五藏之府陶冶之大化也

太平御覽人事部

長人數丈身橫十畝四臂共骨老人生角男女變化何益於賢愚耶

意林

相者曰三亭九候定於一尺之面愚智勇怯形于一寸之目天倉金匱以別富貴貧賤

意林

人含氣而生精盡而死死猶漸也滅也譬如

少焉薪盡而火滅則無光矣故滅火之餘無遺矣人死之後無遺魂矣

初學記禮部太平御覽禮儀部

部

人之涉世譬如奕碁苟不盡道誰無死地但不幸耳

意林

古者尊祭重神祭宗廟追養也祭天地報往也

藝文類聚禮部

三皇貴道而尚德五帝先仁而後義三王先

義而後辭

意林

使民主養民如蠶母之養蠶則其用豈徒絲蠶而已哉

太平御覽資產部

語曰上不正下參差古者所以不欺其民也
割剝富強以養貧弱何異餓耕牛乘馬而飽
吠犬棄干將而礪鉛刃也

意林

天地成歲也先春而後秋人君之治也先禮

而後刑

意林

姦與天地俱生自然之氣也人主以政禦人
政寬則姦易禁政急則姦難絕

文苑英華

威行法明漏吞舟之魚法不明則類於細櫓

細櫓可隱生也

太平御覽服用部

人之性如水焉置之圓則圓置之方則方澄
之則淳而清動之則流而濁先王知中流之
易擾亂故隨而教之謂其偏好者故立一定
之法

意林

塞一蟻孔而河決息施一車轄而覆乘止立

法令者亦宜舉要

意林

秉剛而目自張執本而末自從善賞者賞一

善而天下之善皆勸善罰者罰一惡而天下之惡皆除矣

意林

止響以聲逐影以形姦爭流蕩不知所止也

意林

漢太宗除肉刑匹夫之仁也非天下之仁也

不忍殘人之體而忍殺人故曰匹夫

意林

救嬰孩之疾而不忍鍼艾更加他物以至死

也今除肉刑者更眾何異服他藥也肉刑雖

斬其足猶能生存也張蒼除肉刑每歲所殺

萬計鍾繇復肉刑歲生二千人也名肉刑者

猶鳥獸登俎而作肉

意林

今有弱子當陷大辟問其慈父必乞以肉刑

代之苟可以生易死也有道之君能不以此

加百姓乎蛇螫在手壯夫斷其腕謂其雖斷

不死也

意林

曹義一作義曰繫馴駒以驂絆御悍馬以腐索

今制民以輕刑亦如此也

意林

入粟補吏是賣官也罪人以贖是縱惡也

意林

夫有公心必有公道愛己者不能不愛憎己者不能不憎民富則安鄉重家敬上而從教貧則危鄉輕家相聚而犯上飢寒切身而不行非者寡矣

意林

妄進者若卵投石逃誅者若走赴深

意林

吏者理也所以理萬機

案理字北堂書鈔引作助

平百揆

也武士宰物猶使狼牧羊鷹養雛也是以人

主務在審官擇人

藝文類聚職官部御覽職官部羽族部

太平

世質則官少時文則吏多有虞氏官五十

后氏官一百殷有二百周有三百

意林

國典之墜猶位喪也位之不建名理廢也

意林

高祖定天下置丞相以統文德立大司馬以

統武事為二府焉

藝文類聚職官部

廣韻

但知管子借耳

案此下疑脫目字

于天下不知堯借

人心而後用其耳目

意林

構大廈者先擇匠而後簡材治國家者先擇

佐而後定民

意林

在金石曰堅在草木曰堅在人曰賢千里一

賢謂之比肩賢人為德體自然也故語曰黃

金累千不如一賢藝文類聚人部 太平御

夫清忠之士乃千人之表萬人之英得其人

則事易于反手不得其人則難于拔筋太平御覽

人事部

龍舟整楫王良不能執也驥騄齊行越人不

能御也各有所能意林

伊尹耕于有莘孰知非夏之野人呂尚釣于

渭濱孰知非殷之漁者遇湯武文王然後知

其非也意林

形之正不求影之直而影自直聲之平不求

響之和而響自和德之崇不求名之遠而名

自遠意林

語曰士非玉璧談者為價藝文類聚寶玉部

以譽取人則權勢移于下而朋黨之交用以

功進士則有德者未必授而凡下之人或見

任也君子內洗其心以虛受人外設法度立

不易方今人稱古多賢患世無人退不三思

坐語一世豈不惑耶意林

公卿大夫刻石作碑鐫石作虎碑虎崇偽陳
于三衢妨功喪德異端並起撞亡秦之鐘作
鄭衛之樂欲以興治豈不難哉意林

賞不避疏賤罰不避親貴貴有常名而賤不
得冒尊有定位而卑不敢踰經之以道德緯
之以仁義織之以禮法既成而後用之謂有
孝廉秀才之貢或千里望風承聲而舉故任
實者漸消積虛者日長意林

夫欲定天下而任小人猶欲案太平御覽引作於捕麋

案意林引作麋鹿而免苴不可得也案四字從免苴

不能擊麋鹿猶小人不能任大事意林增平御覽資

產部

趙堯錐鑽之吏能探心致位丞相太平御覽器物部

割地利已天下讐之推心及物天下歸之以

信接人天下信之不以信接人妻子疑之見

疑妻子難以事君君子修身居位非利名也

在乎仁義意林

人皆知滌其器莫知洗其心 意林

君子審其宗而後學明其道而後行或云玄
衡以善詩至宰相張禹以善論作帝師豈非
儒學之榮乎傅子曰學以道達榮不以位顯
意林

面歧路者有行迷之慮仰高山者有飛天之
志或乘車馬而至秦者所謂形異而實同也
意林

辨上下者莫正乎位興國家者莫貴乎人統

內外者莫齊乎分宣德教者莫明乎學 意林

人之學如渴而飲河大飲則大盈小飲則小

盈大觀則大見小觀則小見 意林

擬金人銘作口銘曰神以感通心由口宜福
生有兆禍來有端情莫多妄口莫多言蟻孔
潰河淄川傾山病從口入患自口出存亡之
機開闢之術口與心謀安危之源樞機之發
榮辱隨焉 意林

見虎一毛不見其斑道家笑儒者之拘儒者

噲道家之放皆不見本也 意林

傅子曰聖人之道如天地諸子之異如四時
四時相反天地合而通焉 意林

夫五經則四海也傳記則四瀆也諸子則涇
渭也至于百川溝洫畎澮苟能通陰陽之氣

達水泉之流以四海為歸者皆溢也 北堂書
鈔藝文部

語曰能理亂絲乃可讀詩余雖無治絲之能

而悟聞詩之義 太平御覽學部
藝文類聚
雜文部

魯恭王壞孔子舊宅得周書闕無冬 自漢武

購千金而莫有得者遂以考工記備 御覽學部

禮者履也律也義同而名異 禮記凶軍

賓嘉也 藝文類聚禮部
太平御覽禮儀部

禮云繼父服齊衰傅子曰以捨已父 史嫁他

人與已父絕甚于兩夫也又制服恐非周孔

所制亡秦焚書以後俗儒造之 意林

朝廷有儀聘享之禮堯曰篇則有禪代之事

意林

楚漢之際有好事者作世本上錄黃帝下逮

秦漢 意林

班固漢書因父得成遂沒不言彪殊異馬遷也 意林

吾觀班固漢書論國體則飾主闕而抑忠臣
敘世教則貴取容而賤直節述時務則謹辭
章而畧事實非良史也 意林

夫文采之在人猶榮華之在草 意林

譬若春華之並發馥若秋蘭之俱茂 意林

平子二京文章卓然 文選西京賦注

夫虛無之談 案太平御覽虫牙部引作太虛元年誤 尚其華藻

無異春蠶秋蟬聒耳而已 太平御覽學部

夫論事比類不得其體雖飾以華辭又以美

言無異錦繡衣掘株管弦樂土梗非其趨也

太平御覽布帛部

夫解小而引大了淺而伸深猶以牛刀割雞

長及刈薺

太平御覽菜茹部

樹上懸瓠非木實也背上披裘非脊毛也此似而非

意林

經巨海者終年不見其涯測虞淵者終世不知其底故近者不可以度遠也

意林

九日養親一日餓之豈得言孝飽多飢少固非孝乎穀馬十日一日餓之馬肥不損于義

無傷不可同之一日餓母也

意林

大孝養志其次養形養志者盡其和養形者

不失其敬

意林

墨子兼愛是廢親也知喪是忘憂也

意林

傅子云孟軻孫卿若在孔門非唯游夏而已

乃冉閔之徒也

意林

聞一善言見一善事行之唯恐不及聞一惡

意林

言見一惡事遠之唯恐不速

懸千金于市市人不敢取者分定也委一錢

意林

于路童兒爭之者分未定也

檢身止欲無過于虱此志士所不及也

太平御覽

范蠡字少伯楚三戶人也使越滅吳已後乘輕舟遊五湖王令人寫其狀恒朝禮之列仙傳云徐人也意林

傅氏之先出自陶唐傳說之後玄字休奕子咸字長虞晉書有傳意林

呂子義當世清賢士常往友人處案太平御覽引作有

田人嫌其設酒食懷乾糒而往案以上又見

北堂書鈔飲人榮其降乃盛為饌義出懷中乾糒求

一杯冷水食之

太平御覽人事部飲食部

今有呂子義清賢士為率更令有人就之宿

非其度數之內子義燃燭危坐通曉目不轉

睛膝不移處

太平御覽人事部

呂義為太子率更令嚴毅清高

北堂書鈔設官部

漢末有管秋陽者與弟及件一人避亂俱行

天雨雪糧絕謂其弟曰今不食件則三人俱

死乃與弟共殺之得糧達舍後遇赦無罪此

人可謂善士乎孔文舉曰管秋陽愛先人之

遺體食伴無嫌也苟侍中難日管秋陽貪生
殺生豈不罪邪文舉曰此伴非會友也若管
仲啖鮑叔貢禹食王陽此則不可向所殺者
特鳥獸而能言耳今有大齧一狸狸齧一鸚
鵡何足怪也昔重耳戀齊女而欲食狐偃叔
敖怒楚師而欲食伍參賢哲之忿猶欲啖人
而况遭窮者乎 意林

積薪若山縱火其下火未及燃一杯之水尙
可滅也及至火猛風起雖傾河海不能救也
秦昭王是積薪而縱火其下始皇燃而方熾

二世風起而怒也

意林

秦人觀山東之民猶猛虎之睨羣羊何隔憚

哉

意林

始皇遠遊並海而不免平臺之變及葬驪山
尋見發掘令有鉛錫之鋌雖歐冶百鍊猶不
如瓦刃有鴛鈍之馬雖造父駕之終不及飛
兔絕景質鈍故也土不可以作鐵而可以作

瓦

意林

秦始皇起驪山之冢使蒙恬築長城死者相
屬民歌曰生男慎勿舉生女哺用哺不見長
城下尸骸相支柱其冤痛如此矣蒙恬臨死
曰夫起臨洮屬遼東城塹萬餘里不能不絕
地脉此固當死也

水經注河水

太平御覽

始皇塚令人作機弩有人穿者即射之以人
魚膏作燭

意林

漢高祖度闊而網疏故後世推誠而簡直光
武教一而網密故後世守常而禮義魏武糾

亂以尙猛天下修法而貴理

意林

光武鳳翔于南陽燕雀化為鵠雛二漢之臣
煥爛如三辰之附長天長平之卒磊落如秋
草之中繁霜勢使然也

意林

傅子曰諸葛亮誠一時之異人也治國有分
御軍有法積功興業事得其機入無遺刃出
有餘糧知蜀本弱而危故持重以鎮之若姜
維欲速立其功勇而無決也

意林

我欲戰而彼不欲戰者我鼓而進之若山崩

河溢當其衝者摧值其鋒者破所謂疾雷不暇掩耳則又誰禦之

意林

吳起吮瘡者之膿積恩以感下也史記云吳起吮癰晝戰目相見夜戰耳相聞得利同勢

失利相救

意林

漢末黃門張讓段珪等于靈帝幄後相對泣

帝驚問尚復幾時哉于是大收諸黨

太子御
尊服用

黃巾被服純黃不將尺兵肩長衣羽

行步

所至郡縣無不從是日天大黃

漢書五行志

世傳有夫死而婦許不嫁者誓以繡衣襪以

衣尺納諸棺焉後三年婦出適迎有日矣有

行道入夜求人家宿晨向主人語婦約之辭

寄所誓之衣日子到千里當逢之還此衣焉

主者出門到所言處果見迎車具以事告還

其繡衣婦遂自經而死

太平御覽布帛部

昔燕趙之間有三男共娶一女生四子後爭

訟廷尉奏云禽獸生子逐父宜以子還母尸

三男子市

意林

逐兔之犬終朝尋兔不失其迹雖見麋鹿不

暇顧也

意林

夫醫者非仁愛不可託也非聰明理達不可任也非廉潔淳良不可信也是以古之用醫必選名姓之後其德能仁恕博愛其智能宣暢曲解能知天地神祇之次能明性命吉凶之數處虛實之分定逆順之節原疾疢之輕重而量藥劑之多少貫微達幽不失細微如

是乃謂良醫且道家則尚冷以草木以冷生醫家則尚溫以血脉以煖通徒知其大趣不達其細理不知剛柔有輕重節氣有多少進退盈縮有節口也名醫達脈者求之寸口三候之閒則得之矣度節氣而候溫冷參脈理而合輕重量藥石皆相應此可謂名醫醫有名而不良者有無名而良者人主之用醫必參知而隱括之

初學記政理部

石或剛暴狷急喜怒不節或情慾放縱貪淫嗜食此皆良醫不能加功焉夫君子病也猶可為也必使無病也不可為矣蓋謂節其飲食量其多少也

太平御疾病部

趙簡子有疾扁鵲診候出曰疾可治也而必

殺醫焉以告太子太子保之扁鵲領刃而入

人而著履登牀簡子太怒便以戟追殺之扁

鵲知簡子大怒則氣通血脈暢達也

太平御覽疾病部

穀氣勝元氣其人肥而不壽

案二句見太平御覽人事部

元氣勝穀氣其人瘦而壽

案二句从太平御覽疾病部引增

養性之術常使穀氣少而病不生矣梁者黍

稷之惣名

句又見太平御覽穀部

稻者漑種之總名枝

者衆豆之惣名

案二句見藝文類聚穀部

三穀各一十種

為六十蔬果之實助穀各二十凡為百穀故

初學記寶

詩曰播厥百穀者穀種衆種之大名也

器部 太平御覽穀部

稼借耕也穡猶收也古今之言云爾稼農之

本穡農之末農本經而末重前緩而後急稼
欲少穡欲多耨欲緩收欲速此良農之務

御覽資產部

凡種有強弱土有高柔土宜強高莖而疏粟
長穗而大粒

初學記寶器部

忿穢焚衣其損多矣覆

案意林引作推

甌而棄之所

害亦多矣

意林

太平御覽飲食部

恐不知味而唾殘

一切經音義三

聽清濁五聲之和然後制為鍾律取宏農宜

陽縣金門山竹為律管河內葭為灰可謂同

氣

藝文類聚歲時部

太平御覽時序部

槩欲高張瑟欲下聲

文選顏延年秋胡詩注

化狐作舟

初學記器物部

若謂黃帝後方有舟楫庖犧之時長江大海

何所用之

意林

鴻毛一羽在水而沒者無勢也黃金萬鈞在

舟而浮者託舟之勢也

意林

夫工匠經涉河海為舳舻以浮大淵皆成乎

手出乎聖意

北堂書鈔舟部

藝文類聚舟部

指南車見周公亦見鬼谷子先生

意林

給事中與高堂隆秦朗爭指南車二子云古

無此車記虛言耳先生曰爭虛空言不及如

試之效也言于明帝明帝詔使作之車乃成

意林

翻車先生居在京師有地作園而患無水可

溉乃作翻車令童兒轉之其功百倍

意林

金以利用錢以輕流此二物飢不可食

意林

世富錢流則禁盜鑄錢世貧錢滯則禁盜壞

錢

意林

夫蜘蛛之羅網蜂之作巢其巧妙矣而況于

人乎故工匠之方圓規矩出乎心巧成于手

非睿敏精密孰能著勳形成器用哉

太平御覽藝術部

部

古有阮師之刀天下之所寶貴也初阮之作

刀受法于金精之靈七月庚辛見金人于冶

監之門其人光色煒耀向神再拜神執其手

曰子可教也阮致之開宴設饌而問焉神教以水火之齊五精之陶用陰陽之候取剛柔之和行其術三年作刀千七百七十口而喪其明其刀平背狹刃方口洪首截輕微不絕絲髮之系斫堅剛無變動之異世不恡百金精求不可得也其次有蘇家刀雖不案下有闕字亦一時之利器也次有陽紀趙青閒皆不能繼太平御覽兵部古有阮師之刀蘇家之楯皆為良工利器時

所寶貴也夫刀者身之寶也楯者身之衛也

禦難之藩牆守口之城池也

太平御覽兵部

幽州之騎冀州之刀勁悍之士

文選陽給事誄注

天下之害莫害于女飾一頭之飾盈千金之

價婢妾之服亦重四海之珍

意林

馬先生綾機先生名鈞字衡天下之名巧也

綾機本五十縱五十簞六十縱六十簞先生

乃易二簞奇文異變因感而作自能成陰陽

無窮也

意林

西國胡言蘇合香是獸便中獸便而臭忽聞
西極獸便而香則不信矣 意林

蘇合木正十瓣正十瓣六瓣六瓣六瓣六瓣
其味生蘇合香也其味甘蘇合香也其色白蘇合香也
其性平蘇合香也其功補蘇合香也其用廣蘇合香也
天下之香莫若于女蘭一類之類也千金之
藥莫之若蘇合香也其味甘蘇合香也其性平
蘇合香也其功補蘇合香也其用廣蘇合香也
海寶貴也夫不香與之香也蘇合香也其味甘蘇合香也

子史鈎沈 公曰願聞諸國之禮貴矣 逸書考

六韜 圖無 甘泉黃爽學

器滿則傾志滿則覆 禮記曲禮上正義

軍處山之高者則曰棲 史記索隱越世家

武王伐紂雪深丈餘五車三馬行無徹跡詣

營求謁武王怪而問焉太公對曰此必五方

之神來受事耳遂以其名召入各以其職命

焉既而克殷風調雨順 舊唐書禮儀志

聖人恭天靜地和人敬鬼 意林



文王問於太公曰賢君治國何如對曰賢君
之治國其政平吏不苛其賦斂節其自奉薄
不以私善害公法賞賜不加於無功刑罰不
施於無罪不因喜以賞不因怒以誅害民者
有罪進賢者有賞後宮不荒女謁不聽上無
淫匿下無陰害不供宮室以費財不多遊觀
臺池以罷民不雕文刻鏤以逞耳目官無腐
蠹之藏國無流餓之民也文王曰善哉羣書
治要
文王問太公曰願聞治國之所貴太公曰貴

法令之必行必行則治道通通則民太利太
利則君德彰矣君不法天地而隨世俗之所
善以爲法故令出必亂亂則復更爲法是以
法令數變則羣邪成俗而君沈於世是以國
不免危亡矣同上
文王問太公曰人主動作舉事善惡有福殃
之應免神之福無太公曰有之主動作舉事
惡則天應之以刑善則地應之以德逆則人
備之以力順則神授之以職故人主好重賦

斂後漢書五行志注斂作役又御覽八百七十九引人主好聚斂人則多疫死大

宮室多遊臺則民多病温志作霜露殺五穀

絲麻不成人主好田獵軍弋不避時禁則歲

多大風禾穀不實御覽八百七十六引無不

有飄牛馬發屋拔木民人飛揚數十里九

及二百六十六風下並有禾穀不實紂時

此八字又八百三十九人主好破壞名山壅

塞大川決通名水則歲多大水傷民五穀不

滋志作人主好武事兵革不息志無不則日

月薄蝕志作太白失行故人主動作舉事善

則天應之以德惡則人備之以力神奪之以

職如響之應聲如影之隨形文王曰善哉同

武王問太公曰桀紂之時獨無忠臣良士乎

太公曰忠臣良士天地之所生何為無有武

王曰為人臣而令其主殘虐為後世笑可謂

忠臣良士乎太公曰是諫者不必聽賢者不

必用武王曰諫不聽是不忠賢而不用是不

賢也太公曰不然諫有六不聽強諫有四必

亡賢者有七不用武王曰願聞六不聽四必

亡七不用太公曰主好作宮室臺池諫者不聽主好忿怒妄誅殺人諫者不聽主好所愛無功德而富貴者諫者不聽主好財利巧奪萬民諫者不聽主好珠玉奇怪異物諫者不聽是謂六不聽四必亡一曰強諫不可止必亡二曰強諫知而不肯用必亡三曰以寡正強正衆邪必亡四曰以寡直強正衆曲必亡七不用一曰主弱親強賢者不用二曰主不明正者少邪者衆賢者不用三曰賊臣在外

奸臣在內賢者不用四曰法政阿宗族賢者不用五曰以欺爲忠賢者不用六曰忠諫者死賢者不用七曰貨財上流賢者不用同上

引文翰

文王在岐周

意林引無周字

召太公曰爭權於天下

者何先太公曰先人人與地稱則萬物備矣今君之位尊矣待天下之賢士勿臣而友之則君以得天下矣文王曰吾地小而民寡將何以得之

意林引吾地小奈何

太公曰可天下有地賢

者得之天下有粟賢者食之天下有民賢者
收意林作牧之天下者非一人之天下也莫常有
之唯賢者取之夫以賢而為人下何人不與
以貴從人曲直何人不得屈一人之下則申
萬人之上者唯聖人而後能為之
意林引屈一人下伸
萬人上唯聖人能行之
皇后令注引屈一人之下伸萬人之上唯聖人能焉
文王曰善請著之金版於是文王所
就而見者六人所求而見者七十人所呼而
友者千人同上引武韜

武王曰士高下豈有差乎太公曰有九差
王曰願聞之太公曰人才參差大小猶斗
以盛石滿則棄矣非其人而使之安得不
多言多語惡口惡舌終日言惡寢臥不絕為
眾所憎為人所疾此可使要問閭里察姦伺
猾權數好事夜臥早起雖遽不悔此妻子將
也御覽引夜臥早起雖先語察事實長希言
賦物平均此十人之將也御覽引長寶希言
也賦物均十人之將
切切截截不用諫言數行刑戮不避親戚

此百人之將也訟辨好勝疾賊侵陵斥人以刑欲正一衆此千人之將也外貌咋言言語切切知人飢飽習御覽習作念人劇易此萬人之將也戰戰慄慄日慎一日近賢進謀使人以節言語不慢忠心誠必此十萬之將也温良實長用心無兩見賢進之行法不枉此百萬之將也動動紛紛鄰國皆聞出入居處百姓所親誠信緩大明於領世能教成事又能救敗上知天文下知地理四海之內皆如妻子

御覽引知天文悉地理四此英雄之率乃天

海如妻子此天文師之主也

下之主也同上太平御覽二百七十三

差乎太公曰人有九差惡口舌為衆所憎夜

臥早起此妻子之將知人飢渴習人劇易此

萬人之將戰戰慄慄日慎一日此十萬之將

知天文悉地理四海如妻子此天下之將

夫殺一人而三軍不聞殺一人而萬民不知

殺一人而千萬人不恐雖多殺人其將不重

封一人而三軍不悅爵一人而萬人不勸賞

一人而萬人不欣是為賞無功貴無能也若

此則三軍不為使是失衆之紀也同上

武王問太公曰凡用兵之極天道地利人事三者孰先太公曰天道難見地利人事易得天道在上地道在下人事以飢飽勞逸文武也故順天道不必有吉違之不必有害失地之利則士卒迷惑人事不和則不可以戰矣故戰不必任天道飢飽勞逸文武最急地利為實王曰天道鬼神順之者存逆之者亡何以獨不貴天道太公曰此聖人之所生也欲以止後世故作為譎書而寄勝於天道無益

於兵勝而衆將所拘者九王曰敢問九者奈何太公曰法令不行而任侵誅無德厚而用日月之數不順敵之強弱幸於天道無智慮而候氛氣少勇力而望天福不知地形而歸過敵人怯弗敢擊而恃龜筮士卒不募而法鬼神設伏不巧而任背向之道凡天道鬼神視之不見聽之不聞索之不得不可以治勝敗不能制死生將不法也同上

太公曰天下有粟聖人食之天下有民聖人

收之天下有物聖人裁之利天下者取天下
安天下者有天下愛天下者久天下仁天下
化天下同上以上引龍韜

武王勝殷召太公問曰今殷民不安其處奈
何使天下安乎太公曰夫民之所利譬之如
冬日之陽夏日之陰冬日之從陽夏日之從
陰不召自來故生民之道先定其所利而民
自至民有三幾不可數動動之有凶明賞則
不足不足則民怨生明罰則民懾畏民懾畏

則變故出明察則民擾民擾則不安其處易
以成變故明王之民不知所好不知所惡不
知所從不知所去使民各安其所生而天下
靜矣樂哉聖人與天下之人皆安樂也武王
曰爲之奈何太公曰聖人守無窮之府用無
窮之財而天下仰之天下仰之而天下治矣
藝文類聚二十引聖人守無窮之府用無窮
之才天下仰之而治太平御覽四百一引
作而天神農之禁春夏之所生不傷不害謹
下治

時矣任賢使能而官有材而賢者歸之矣故賞在於成民之生罰在於使人無罪是以賞罰施民而天下化矣同上引虎韜

武王至殷將戰紂之卒握炭流湯者十八人以牛為禮以朝者三千人舉百石重沙者二十四人趨行五百里而矯矛殺百步之外者

五千人北堂書鈔一百二十三引紂之卒握炭流湯者十八人縮矛殺百步之外者千人太平御覽三百五十三千人作十人又三百八十六十八人下引崇侯虎等舉五百石重沙介士億有八萬武王懼曰夫天

下以紂為大以周為細以紂為眾以周為寡以周為弱以紂為強以周為危以紂為安以周為諸侯以紂為天子今日之事以諸侯擊天子以細擊大以少擊多以弱擊強以危擊安以此五短擊此五長其可以濟功成事乎太公曰審天子不可擊審大不可擊審眾不可擊審強不可擊審安不可擊王大恐以懼太公曰王無恐且懼所謂大者盡得天下之民所謂眾者盡得天下之眾所謂強者盡用

天下之力所謂安者能得天下之所欲所謂天子者天下相愛如父子此之謂天子今日之事為天下除殘去賊也周雖細曾殘賊一人之不當乎王大喜曰何謂殘賊太公曰所謂殘者收天下珠玉美女金錢綵帛狗馬穀粟藏之不休此謂殘也所謂賊者收暴虐之吏殺天下之民無貴無賤非以法度此謂賊也同上

武王問太公曰欲與兵深謀進必斬敵退必

克全其畧云何太公曰主以禮使將將以忠受命國有難君召將而詔曰見其虛則進見其實則避勿以三軍為貴而輕敵勿以授命為重而苟進勿以貴而賤人勿以獨見而違眾勿以辯士為必然勿以謀簡於人勿以謀後於人士未坐勿坐士未食勿食寒暑必同敵可勝也以上引大韜

文王問散宜生卜伐殷

御覽作紂

吉乎曰不吉鑽

龜龜不兆數著著不交而如折

御覽作數著交加而折

將行之日兩輜重御覽無重字車至軫行之日幟

折為三散宜生曰此凶御覽作卜四不祥不可舉

事太公進曰是非子之所知也祖行之日雨

輜重御覽無兩字車至軫是洗濯甲兵也藝文類聚

北堂書鈔一百十四引武王伐殷兵行之象幟為

折首太公曰此斬紂首之象太平御覽十

武王入殷散鹿臺之金錢以與殷民藝文類聚

六又八十五引發鉅橋之粟散鹿臺之金錢

武王伐殷先選注無先字出於河呂尙為後將選注

作有將御覽類聚七十一以四十七艘船濟選注作於河

類聚七十一商王拘西御覽西上伯昌於羨里太公謂散

宜生御覽作與散求珍物以免君之罪九江

得大貝百馮注云詩作百朋藝文類聚八十四

八百七作九江得大貝石焉又九百四十一

夏殷桀紂之時婦人錦繡文綺之坐席衣以

綾紈常三百人藝文類聚八十五又六十九

之衣二文選五十六石闕銘注紂時婦人

以文綺為席衣以綾紈者三千人北堂書

鈔二十作坐文綺之席衣綾紈之衣太平御覽三百九十三作紂之時婦女坐綺之席又七百九作坐文綺之席衣以紈綺之衣又八百十五

冬冰可折夏條可結藝文類聚八十八案此

見文子武王登夏臺以臨殷民周公旦事類賦注

無且曰臣聞之事類賦注愛其人者愛其屋

上烏憎其人者憎其餘胥藝文類聚九十二

二十作除胥事類賦烏賦注作儲胥

商王拘周伯昌於羗里太公與散宜生以金

子鑑求天下珍物以免君之罪於是得犬戎

氏文馬毫毛朱鬣目如黃金名雞斯之乘以

獻商王藝文類聚九十三事類賦馬賦注

文王囚羗里散宜生得黃熊而獻之於紂藝文類聚九十五文選四南都賦注太平御覽九百八引文王囚羗里散宜生受命而行宛懷條塗之山有熊得而獻於紂

殺一夫而利天下北堂書鈔十三

世子為政北堂書鈔二十一

廿七大夫者為筋脈之臣北堂書鈔五十六

昔煩厚氏用兵無已誅戰不休至于涿鹿之

野諸侯叛之煩厚氏之亡也北堂書鈔一百十三

太公曰夫紂無道流毒諸侯欺侮羣臣失百

姓之心秉明德以誅之誰曰弗克北堂書鈔一百十四

夫聖人者與天下之人皆安樂初學記十七藝文類聚

二十無夫字者字

太公對文王曰禮者天理之粉澤初學記二十一

平御覽五百二十三作治之粉澤也又六百十引無天字

周初太公曰教戰之法必明告吏士申三五

之令教其操兵起居進止旌旗指麾陳而方

之坐而起之行而止之左而右之列而合之

絕御覽而解之無犯進止之節無失飲食之

宜無絕人馬之力令吏士一人學戰教成十

人十人學戰教成百人百人學戰教成千人

千人學戰教成萬人萬人學戰教成三軍之

衆大戰之法百萬之師故能成大功也通典

四十九太平御覽二百九十七案此段與教戰篇文相似而字句較多故全錄之又通典引六韜俱標太公曰

又覆軍誡法曰諸軍出行將令百官士卒曰

某日出某門吏士不得刈稼穡伐樹木殺六畜掠取財物姦犯人婦女違令者斬同上

又曰凡行軍吏士有死亡者給其喪具使歸而葬此堅軍全國之道也軍人被瘡卽給醫藥使謹視之醫不卽治視鞭之軍夜驚吏士堅坐陳將持兵無譁動搖有起離陳者斬軍門當交戰謹出入者若近敵當譏呵出入者同上

周初武王問太公曰敵人先至已據便地形

勢又強則如之何對曰當示怯弱設伏佯走自投死地敵見之必疾速而赴擾亂失次必

離故所入我伏兵齊起急擊前後衝其兩旁

通典一百五十三 太平御覽二百九十四 引伏下有兵字齊起作齊赴衝其兩旁作衝其旁而走

周武王將 紂問太公曰今引兵深入其地

與敵行陣相守被敵絕我糧道又越我前後

吾欲與戰則不敢以守則不固而為之柰何

太公曰夫入敵地必案地形勢勝便處之必

依山陵險阻水草為固謹守關梁隘塞敵若
 卒去不遠未定而復反彼用其士卒若太疾
 則後不至後不至則行亂而未及陣急擊之
 以少尅眾通典一百五十七 案此段與絕
 道篇文相似
 太公曰夫出軍征戰安營陣以六為法亦可
 方六百步亦可六十步量人地之宜表十二
 辰將軍自居九天之上竟一句復徙開牙門
 常背建而疑向字
 之譌破太歲太陰太陽大將軍
 凡三軍不欲飲死水不欲居死地不居地柱

不居地獄注云死水者不流之水死地者
 墓之開地柱者四下中高地獄者四高中下
 是也同上
 小公曰以步與車馬戰者必依邱墓險阻強
 以長兵處前短兵弱弩居後更發更止敵人
 以馬雖眾而至堅陣疾鬪材士強弩以備前
 以武王曰我無邱陵又無險阻敵人之至既
 而以車騎翼我兩旁獵我前後吾三軍恐怖
 亂敗而走為之奈何太公曰令我士卒十行

布鐵蒺藜遙見敵車騎將來均置蒺藜掘地
迎廣以深五尺名曰命籠人持行馬進退闌
車以爲壘推而前後直而爲屯以強弩備我
左右然則命我三軍皆疾戰而必勝也同上
此段與戰步篇文相似
周書陰符太公曰步貴知變動車貴知地形
騎貴知別徑奇道故三軍同名異用可往而
無以還者車之死地越險絕阻乘敵遠行者
車之竭地前易後險車之困地容車貫阻出

而無返者車之患地左險右易上陵仰坂車
之逆地深塹黏土車之勞地隱帶橫畝犯歷
深澤者車之壞地日夜霖雨旬月不止泥淖
難前車之陷地凡騎以陷敵而不能破敵敵
人走以步騎反擊我後此騎之敗地也追背
踰限長驅不止敵伏我兩旁又絕我後此騎
之困地也往無以返入無以出陷于天井填
于地牢此騎之死地也所由入者隘所由去
者遠彼弱可以擊我強少可以擊我衆此騎

之沒地大澗深谷蒼穢林草此騎之竭地左
右有水前有大阜後有高山戰于兩水之間
乘敵過邑是謂表裏相合左有深溝右有峭
坑高下與地平視之廣易進退相敵此竝騎
之陷地汙下沮澤進退漸洳者騎之患地拙
將之所以見擒明將之所以務避也通典一
百五十九
九 案此段與戰車篇及戰騎篇文相似
昔武王將伐紂問太公曰若今敵人圍我斷
後絕糧吾欲徐以為陳以敗為勝奈何太公

曰不可此天下之困兵也暴用之則勝徐用
之則敗為四衝陳以驍騎驚其君親左軍疾
右軍迭前迭後往敵之空吾軍疾擊鼓呼而
當同上 案此段與疾戰篇文相似而字句
較多故全錄之
又問曰敵疏其陳又遠其後挑我流矢以弱
我弓弩勞我士卒為之奈何太公曰發我銳
士先擊其前車騎獵御覽
作列其左右引而分隊
以隨其後三軍疾戰凡以少擊眾避之於易
要之於險避之於晝取之於夜故曰以一擊

十莫善於阨以十擊百莫善於險以千擊萬莫善於阻用衆者務易用少者務阨也

平御覽三百十一 案故曰以下又見吳子 應變篇疑相傳古兵法語

周武王伐紂師至汜

御覽 疾雨甚疾 疾雨甚疾 疾雨甚疾 疾雨甚疾 水牛頭山風甚雷

太公曰兵者順天之

御覽 御覽無 御覽無 御覽無 御覽無 道未必吉逆之

且天道鬼神視之不見聽之不聞智將不法

而愚將拘之吾

御覽 御覽 御覽 御覽 乃好賢而能用舉

事而得時則不看時日而事利不假卜筮而

事吉不禱祀而福從遂命驅之前進周公曰

今時迎太歲

御覽作合時宜太歲 宋本作今時逆太歲 龜灼言凶

卜筮不吉星變為災請還師太公怒曰今紂

刳比干囚箕子以飛廉為政伐之有何不可

枯草朽骨安可知乎

書泰誓中正義引六韜 曰卜戰龜兆焦筮又不 乃焚龜折著援枹而鼓率衆

先涉河武王從之遂滅紂

紂作瓊室鹿臺飾以美玉文選二西京賦注

太公曰桀紂王天下之時積糟為阜以池為

池脯肉為山林文選十西征賦注北堂書

夏桀殷紂積糟為邱以酒為池飲者常三千人又二十引糟為邱

為將者受命忘家當敵忘身同上

堯與有苗御覽作堯伐有扈氏宋本無氏字戰于丹水之浦

文選二十應詔樂遊苑餞呂僧珍詩注北堂書鈔十三太平御覽六十

太公謂武王曰夫人皆有性趨舍不同喜怒

不等文選二十五盧子諒贈劉琨詩注又四十一報任少卿書注

賞如高山罰如深溪文選二十七王仲宣

武王伐紂得二大夫而問之曰殷國將有妖

乎對曰有殷君陳玉杯象箸玉杯象箸不盛

菽藿之羹必將熊蹯豹胎文選三十四七發注又三十五七命

注

太公謂武王曰聖人興兵為天下除患去賊

非利之也故役不再籍一舉而得文選四十

為石仲容與孫皓書注

先塗民耳目文選四十八劇秦美新注

利害相臻猶循環之無端文選四十九晉紀總論注

紂患刑輕乃更為銅柱以膏塗之加於然炭

之上使有罪者緣焉滑跌墮火中紂與姐己

笑以為樂名曰炮烙之刑文選五十六石闕銘注

武王伐紂御覽重蒙寶衣投火而死同上

覽八百八十九

天之為天遠矣地之為地久矣萬物在其間

各自利何世莫之有乎宋本此下有夫使世

字乃若宋本無溟滓鴻濛之時宋本時下有

故莫之能有七十六聖發宋本發下有起字其趣使

世俗皆能順其有宋本無趣所繫天下宋本

有而有豈一日哉太平御覽

武王伐紂雨甚雷疾武王之乘雷震而死周

公曰天不祐周矣太公曰君秉德而受之不

可如何也太平御覽十三

昔柏皇氏栗陸氏驪連氏軒轅氏赫胥氏尊

盧氏祝融氏此古之王者也未使民民化未

賞民民勸北堂書鈔十五引此此皆古之善

為政者也至於伏羲氏神農氏教化宋本化
而不誅黃帝堯舜誅而不怒四句又見意林
字古之不變者有苗之有宋本作堯化而取
之堯德衰舜化而受之舜德衰禹化而取之
太平御覽七十六
桀時有瞿山之地桀鑿山陵通之於河民有
諫故曰冬鑿地穿山是發天之陰泄山之氣
天子後必敗桀以妖言殺之太平御覽八十
友之友謂之朋朋之朋謂之黨黨之黨謂之

羣 太平御覽一百五十七

大人之兵如狼如虎如雨如風如雷如電天
下盡驚然後乃成太平御覽二百七十一又
兵如虎如狼如風如雨如雷如電振振冥冥
天下盡驚又尉繚子武議篇云一人之兵如
狼如虎如風如雨如雷如霆震震冥冥天下
皆驚皆與此同
兵入殷郊見太公曰是吾新君也而商容曰
非也其人虎也而鷹峙威怒自副見利欲發
進不顧前後見武王曰是新君也見敵不怒
太平御覽二百七十六

武王問曰引兵入諸侯之地高山盤石其避
無草木四面受敵士卒惑迷為之奈何太公
曰當為雲象之陣太平御覽三百一

武王平殷還問太公曰今民吏未安賢者未
定何以安之太公曰無如天如地太平御覽
三百二十七

從孤擊虛高人無徐宋本作餘一女子當百夫風

鳴氣者賊存在十里鳴條百里搖枝四百里
雨霑衣裳者謂潤兵不霑者謂泣兵金器自

鳴及焦氣宋本氣下有者字軍疲也太平御覽二百二十八

武王伐紂諸侯已至未知士民何如太公曰
天道無親今海內時沈於殷久矣五十六引
天下之人

陸沈於殷久矣百姓可與樂成難與慮始伯夷叔齊
曰殺一人而有天下聖人不為太公曰師渡

孟津六馬仰流赤烏白魚外入此豈非天非
命也師到海元注音牧野天暴風電前後不相見

車益發越轅衝摧折旌旄三折旗幟飛揚者
精銳盛天也雨以洗吾兵雷電應天也太平御覽

紂為無道武王於是東伐紂至於河上雨甚

雷疾正之疑正乃震之訛之上脫武王二字乘橫振而死旗

旌折揚侯波周公進曰天不祐周矣意者君

德行未盡而百姓疾惡故天降吾禍於是太

公援罪人而戮之於河三鼓之率眾而先以

造於殷天下從甲子之日至於牧野舉師而

討之紂城備設而不守親擒紂懸其首於白

旗同上又十三所引與此相似又三百四十及北堂書鈔一百二十俱引武紂懸

紂之首於白旗

春以長矛在前夏以大戟在前秋以弓弩在

前冬以刀楯在前此四時應天之法也太平御覽

三百三十五又三百三十九

武王寢疾十日太公負王乃駕驚冥之車此

又見北堂書鈔十三周旦為御至於孟津大黃參連弩

大才扶昇車並戰具也飛鳧赤莖白羽電影青莖赤羽

以銅為首副也畫方頭鐵槌重八斤亦軍備也大柯

則為光夜則為星斧重八斤亦名鐵越軍備也行馬廣二丈具渡溝

飛橋廣五丈轉關天船一名天橫以濟大水

鷹爪方凶鐵杷柄長七尺天陣日月斗柄杓一背

陣地陣邱陵水泉有左人陣車馬交武積楹臨衝

攻城雲梯飛樓視城中也武衝大櫓三軍所須雲火万

炬以防吹鳴籥作振万里也宋木振作威太

段疑軍用篇逸文

車騎之將軍馬不具鞍勒不備者誅太平御覽三百

五十八

紂囚文王於羑里散宜生受命而行宛懷條

塗之山有玉女三人宜生得之因費仲而獻之於紂以免文王太平御覽三百八十一

文王祖父壽百二十而没王季百年而没文

王壽九十七而没太平御覽三百八十三

文王聞殺崇侯虎歸至酆令具湯餽太平御覽三百

九十五宋本標作沐

以死取人謂之勇太平御覽四百三十七

文王拘羑里求天下珍怪而獻之紂大喜殺

牛而賜之太平御覽四百六十

文王問守土柰何對曰人君必從事於富弗
富不足爲人弗與以合親疏其親則因失其
衆則散矣 太平御覽四百七十二

武王伐殷乘舟濟河兵車出壞船於河中太
公曰太子爲父報仇今死無生所過津梁皆
悉燒之 太平御覽四百八十二

武王問太公曰貧富豈有命乎 藝文引成王
問太公貧富
豈有命乎將
理不得其意太公曰爲之不密密而不富者
盜在其室武王曰何謂盜也公曰計之不熟

一盜也收種不時二盜也取婦 藝文
作得無能三

盜也養女太多四盜也棄 藝文
作其事就酒五盜

也衣服過度六盜也封藏不謹七盜也井竈

不利八盜也舉息就禮九盜也無事然鎗十

盜也取之安得富哉武王曰善 太平御覽四
百八十五藝

文類聚三十五節引

天下攘攘皆爲利往天下熙熙皆爲利來 太
平

御覽四百九十六

文王既出羗里召周公旦築爲靈臺 太平御
覽五百

文王問太公曰

羣書治要有此句

願聞為國之大失

太公曰為國之大失者為上

羣書治要無為上二字

作

事不法

羣書治要事作而重法字

君不覺悟是大失也

羣書

治要作國君不

文王曰願聞不法

羣書治要作願聞不

悟是為大失

羣書治要

不法

羣書治要作不

君不悟公曰

羣書治要作太公曰

不法

羣書治要作不

則令不行令不行則主威傷

不法則邪不

羣書治要

正羣書治要正

邪不正則禍亂起

羣書治要起下有矣

字不法則刑妄行刑妄行則賞無功不法則

國昏亂國昏亂則臣為變

羣書治要此下有

水旱發則萬

君不悟則兵革起兵革起則失

民病十四字

天下文王曰誠哉

宋本太平御覽六百三十

文王聞

疑問字

太公曰願聞治國之所貴太

公曰貴法令必行法令必行則治道通

此下

治道通

則民大利民大利則君德彰矣文王

曰法令必行大利人民奈何太公曰法令之

必行則民利天下是法令利之必行大利人

民也

同上

崇侯虎曰今周伯昌懷仁而善謀冠雖弊禮

加於首履雖新法以踐地可及其未成而圖

之太平御覽六百九十七又六百八十四作

冠雖弊禮加之於首履雖新法踐之於地

漢書儒林傳黃生日冠雖敝必加於首履

雖新必貫於足師古曰語見太公六韜

林作冠雖弊加於首履雖新履於地

武王伐殷丁侯不朝太公乃畫丁侯於策三

箭射之丁侯病困卜者占云崇在周恐懼乃

請舉國為臣太公使人甲乙日拔丁侯著頭

箭丙丁日拔著口箭戊己日拔著腹箭丁侯

病稍愈四夷聞各以來貢太平御覽七百三十七

欲伐大國行且有期王寢疾干宋本作十日不行

太公負之而起之曰行已有期君不發天子

聞之國亡身死胡不勉之王允言宋本作焉如有

疑宋本無是病者太平御覽七百三十九

武王伐殷得二大夫而問之曰殷國之五十一

八十三俱無之字羣書將亡亦有妖災一及

治要引文韜無國字其一一人對曰

八十三俱無災字宋本災下有有殷國嘗有兩石大者如籥小者如箕一及

五十一八十三俱引殷國常雨血雨灰雨石
 小者如雞子大者如箕常六月而羣書治要引殷國
 常雨血雨灰雨石小常六月而羣書治要引殷國
 者如椎大者如箕常六月而羣書治要引殷國
 深尺餘二月雨雪深丈餘其一人對羣書治要
 曰二十引其字上有武是非殷國之五引
 無殷國之三字羣大妖也殷國之大妖四十二
 書治要無殷字
 一及八十十七八十三章二十一引此下有
 三俱作三十七作六三章二十一引此下有
 夏雨雪臣不為妖災武王踞然而殷君喜殺
 問三十七章之妖對曰二十九字而殷君喜殺
 八十三人喜宋本無以人下有食字餽虎二
 一作射人喜字餽虎喜割八十三人心喜殺
 羣書治要亦作餽虎喜割八十三人心喜殺

孕婦者為真以忠者為不忠忠諫者死阿諛
 者喜殺人之父寡人之婦孤人之子

皆三十七章上數事喜刑禍喜羣書治要作
 信為欺一北堂書鈔二十欺者為忠羣書治要

真以忠忠諫者不實羣書治要作忠諫以君
 為不忠忠諫者不實羣書治要作忠諫以君

子為下小人為上北堂書鈔亦以便佞為相
 政八十三引以佞辯苛令暴八十三及羣書

暴萬民愁若好八十三田獵畢七走狗八此
 取引試為出入不時不避太風甚雨不避寒

暑喜修治池臺日夜無己羣書治要亦引
 六首

六首

出入不飾為喜脩池臺宮七十有三所大宮
時句一百七十三引殷君喜治宮室七十三
百里所大宮百里又引宮中九市北堂書鈔二
十一引初學記二十四引殷君喜修宮室大者
宮室九市羣書治要引喜喜為酒池糟十八
治宮室修臺池日夜無已喜喜為酒池糟十八
三引邱羣書治要引喜為而牛飲者三千人
作肉邱酒池肉林糟邱而牛飲者三千人
七百六十八引殷君喜為酒池可遊船又八
十三此下引飲之以金鼓坐起無長幼之序
賤之禮二句羣書治要亦引無長幼之序貴
池迴船糟邱又七十一引殷君喜為酒池迴
船牛飲者三千人北堂書鈔二十一引酒
池牛飲又喜聽讓用譽無功者賞八十三此
引糟為邱喜聽讓用譽無功者賞下向有無

德者富所愛身制禮令無禮儀無聖人無賢
士無衡槩無升斛數句羣書治要亦引無
德者富所愛專制而擅令無禮義無忠信無
聖人無賢士無法度無升斛數句北堂書
鈔二十一引無尺丈八十三作寸無錙銖無秤
功者賞一句無尺丈八十三作寸無錙銖無秤
衡無功賞有罪放無罪誅此殷國之大妖
也太平御覽八百七十四又二十一又五十
勝數臣言不能盡二句

武王問周公曰諸侯攻天子勝之有道乎公
曰攻禮為賊攻義為殘失民為匹夫王攻失
民者何天子乎宋戴埴鼠璞引

